



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorum

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

XCI. Commutatio inter Bernardum Comitem Arvenensem & Lanfredum  
Abbatem Mauziacensem.

**urn:nbn:de:hbz:466:1-22974**

## X C I.

*Commutatio inter Bernardum Comitem  
Arvernensem & Lanfredum Abbatem  
Mauziacensem.*

An. 864.  
Ex chartulario  
Ecclesie Bri-  
vatenſis  
cap. 217.

**I**nter quos caritas illibata permanserit, pars parti beneficia opportuna præstantur; quia nihil sibi de rebus propriis censuit minuendi quod è contra recipit in augmentum. Ideoque placuit pro utilitate utrumque partium venerabilem Bernardum gratia Dei Comitem, nec non & uxorem suam Ermengardem, seu Lanfredo Abbate ex cœnobio Mauziaco, qui est in patria Arvernica, in aice Riovenese, constructus in honore beati Petri Apostolorum principis & sancti Caprasij martyris, ubi moderno tempore beatus Stremonius martyr primus Arvernorum Episcopus & prædicator corpore requiescit, unâ per consensum monachorum ibi consistentium, ut res congruas tam ecclesiasticas quàm ex alodes unâ cum consensu & præceptione gloriosissimi ac excellentissimi Regis Karoli & Rodulfi Episcopi inter se commutare & concambire debuissent, quod ita & fecerunt. Prior namque dedit Lanfredus Abbas cunctaque ejus congregatio partibus Bernardo Comiti & uxori suæ Ermengardi ex rebus sancti Petri & sancti Caprasij in comitatu Brivatenſe, in vico Brivate cellulam unam in honore sancti Praejecti dedicatam, ipsam cellulam cum curtis & mansis & hortis & exiis & prata 11. & campum unum ipsi Ecclesie adhaerente & aratria 1. vel quantumcunque ad ipsam causam Dei aspiciat vel aspicere videtur. Et in alio loco, ubi dicitur villa Maceriaci, mansos 1 v. & vineam unam cum aratriis, cum hortis & campis & pratis, cultum & incultum, questum vel quicquid ad inquirendum est, vel quantumcunque ad ipsos mansos aspiciat vel aspicere videtur, hoc est, ab ipso vico usque ad castellum, vel quicquid ex ratione præscripti monasterij legitè obtinetur, totum & cum omni integritate dederunt Lanfredus supra nominatus Abbas suisque monachi Bernardo Comiti & uxori suæ Ermengardi. Similiter in compensationem hujus rei meriti supradictus Bernardus Comes & uxor ejus Ermengardis pariter consentientes dederunt partibus Lanfredi Abbati suisque monachis ad opus sancti Petri & sancti Caprasij Ecclesiam quæ est in honore sanctæ Mariæ constructa Iustiaci villa, cum mansis & hortis & pratis & vineis & aratriis. Similiter & in villa Lubiriaci mansum & hortum cum aratria 1. & pratellos 11. Item & in villa Digniaci campos 11. Hæc omnia superius nominata, quantumcunque ad Ecclesiam ipsam aspiciat, vel quantumcunque Donatus Clericus visus fuit habere, vel quicquid Bernardus Comes & uxor ejus visi sunt per actractum ibi adquisivisse, totum & cum omni integritate dederunt prædicto monasterio suisque rectoribus. Ita tamen ut unusquisque de hoc quod recipit post hac die faciat jure ecclesiastico quicquid voluerit. Et est præscripta Ecclesia in eadem patria Arvernica, in vicaria Randanenſe. De repetitionibus verò in

commutationibus pœnæ inferere necesse non est. Sed tamen per studij firmitatem, si unquam tempore par contra partem suam præsentium sive futurorum de eisdem duabus commutationibus uno tramite conscriptis ullam calumniam generare præsumpserit, sua petitio nullum habeat effectum, sed insuper componat duplum tantum quantum ipse res meliorata valuerint, & hæc commutationes omni tempore inviolabiles permaneant cum omni integritate. Facta fuerunt commutationes istæ die sabbato, in mense Januario, anno xxiv. regnante gloriosissimo Karolo Rege Francorum sive Equitanorum. Signum Lanfredi Abbate. Signum Ingilbertus Præpositus.

## X C II.

*Karoli Calvi præceptum de insula Sequana  
vicina Ecclesie Parisiensis.*

**I**N nomine sanctæ & individuae Trinitatis, Karolus gratia Dei Rex. Si rogationibus sacerdotum Christi in honore Ecclesiarum sibi creditarum autem celsitudinis nostræ inclinamus, regiam consuetudinem exicemus, & ad salutem animæ nostræ idipsum pertinere proculdubio novimus. Itaque notum sit omnibus sanctæ Dei Ecclesie fidelibus & nostris præsentibus atque futuris quia ad supplicem petitionem Aneæ venerabilis Parisiensis Episcopi reddimus insulam quandam eidem civitati in orientali plaga contiguam atque vicinorem Ecclesie sanctæ Dei genitricis & semper virginis Mariæ, quæ siquidem, præter nomam & decimam, antea usibus habeatur & dominio Comitis ipsius civitatis & regionis. Unde etiam præcellentie nostræ præceptum hoc restitutionis seu restaurationis fieri iussimus, per quod statuimus atque firmamus ut memorata insula sine cuiuspiam Comitis inquietatione aut sollicitatione, veluti præsignatum est, dominio Episcopi sedis Parisij civitatis & servorum perpetua lege subiaceat eorumque dispositioni sicut aliae res dominationis ipsorum Domino auxiliante semper subsistat, nemine contradicente, aut qualibet inventione repente. Ut autem hæc restitutionis sive redditionis nostræ de supradicta insula præceptio semper in Dei nomine meliorem obtineat vigorem, de anulo nostro subter eam iussimus sigillari. Hildeboldus Notarius ad vicem \* recognovit. Datum x. Kal. Maij Indictione xv. anno xxvii. regnante Karolo gloriosissimo Rege. Actum Compendio in Dei nomine feliciter. Amen.

An. 867.  
Ex parvo  
chartulario  
Ecclesie  
Parisienſis.

## X C III.

*Litteræ Herardi Archiepiscopi Turonensis  
de dote Ecclesie Trojane.*

**E**ccliam sanctam Dei matrem fidelium dici eamque sponsam vocari nemo fidelium ambigit. Proinde ego in Dei nomine Herardus sanctæ metropolis Turonicæ sedis nullius suffragij merito Archiepiscopus, dum de more canonico parrochiam nostram circuiremus anno incarna-

An. 867  
Ex chartulario  
S. Martini  
Turonenſis.